

საქართველოს ექსპერტული ცენტრი



**HTMC-PM-016-V.1.0**

**სარეანიმაციო, სიცოცხლის  
შემანარჩუნებელ მკურნალობაზე  
უარის თქმის პოლიტიკა**

|                         |                                                                                     |
|-------------------------|-------------------------------------------------------------------------------------|
| დოკუმენტი               | სტანდარტული ოპერაციული პროცედურა                                                    |
| დასახელება              | <b>სარეანიმაციო, სიცოცხლის შემანარჩუნებელ მკურნალობაზე<br/>უარის თქმის პოლიტიკა</b> |
| დოკუმენტის ნომერი       | 1.0                                                                                 |
| მფლობელი                | კლინიკური დეპარტამენტები                                                            |
| დანერგვის თარიღი        | 19.07.24                                                                            |
| მომდევნო გადახედვის დრო | 07.25                                                                               |
| ავტორი                  | ხარისხის სამსახური, იურიდიული სამსახური, ხარისხის სამსახური                         |
| დამტკიცებულია           | კლინიკური დირექტორი                                                                 |

საქართველოს კანონმდებლობის თანახმად, სამედიცინო დაწესებულებაში პაციენტის უფლებების დაცვის მიზნით, დამტკიცდეს კლინიკის პოლიტიკა პაციენტის სარეანიმაციო, სიცოცხლის შემანარჩუნებელ მკურნალობაზე უარის თქმის შემთხვევაში, კერძოდ:

- ყველა ქმედუნარიან პირს უფლება აქვს წინასწარ წერილობით გამოხატოს ნება განუკურნებელი დაავადების ტერმინალურ სტადიაში აღმოჩენის შემთხვევაში მისთვის სარეანიმაციო, სიცოცხლის შემანარჩუნებელი ან პალიატიური მკურნალობის ან/და პალიატიური მზრუნველობის ჩატარების შესახებ.
- საქართველოს მოქალაქეს უფლება აქვს, წინასწარ, წერილობით გამოხატოს ნება (თანხმობა ან უარი) უგონო მდგომარეობაში აღმოჩენისას ან გაცნობიერებული გადაწყვეტილების მიღების უნარის დაკარგვისას მისთვის სარეანიმაციო, სიცოცხლის შემანარჩუნებელი ან პალიატიური მკურნალობის ჩატარების ან/და მის მიმართ პალიატიური მზრუნველობის ან ჰოსპისური მზრუნველობის განხორციელების შესახებ, თუ მითითებული გარემოება განპირობებულია განუკურნებელი დაავადების ტერმინალური სტადიით, ან დაავადებით, რომელიც აუცილებლად გამოიწვევს მძიმე ინვალიდობას. საქართველოს მოქალაქეს უფლება აქვს წინასწარ დაასახელოს პირი, რომელიც ზემოთ ხსენებული გარემოებების არსებობისას მიიღებს გადაწყვეტილებას მისთვის საჭირო სამედიცინო მომსახურების აღმოჩენის შესახებ.
- ტერმინალურ სტადიაში მყოფ ქმედუნარიან, გაცნობიერებული გადაწყვეტილების მიღების უნარის მქონე ავადმყოფს უფლება აქვს უარი განაცხადოს სარეანიმაციო, სიცოცხლის შემანარჩუნებელ ან პალიატიურ მკურნალობაზე ან/და პალიატიურ მზრუნველობაზე.
- ტერმინალურ სტადიაში ავადმყოფის უგონო მდგომარეობაში ყოფნის შემთხვევაში მის ნათესავს ან კანონიერ წარმომადგენელს უფლება აქვს მომაკვდავი ადამიანის ღირსების დაცვის მიზნით და მისი (პაციენტის) პიროვნული შეხედულებების გათვალისწინებით უარი განაცხადოს სარეანიმაციო, სიცოცხლის შემანარჩუნებელ ან პალიატიურ მკურნალობაზე ან/და პალიატიურ მზრუნველობაზე.
- უგონო მდგომარეობაში მყოფ ავადმყოფს უტარდება სათანადო მკურნალობა, თუ ავადმყოფს წინასწარ, როცა მას ჰქონდა გაცნობიერებული გადაწყვეტილების მიღების უნარი, არ ჰქონია განცხადებული უარი სარეანიმაციო, სიცოცხლის შემანარჩუნებელ ან პალიატიურ მკურნალობაზე ან/და პალიატიურ მზრუნველობაზე.

ძირითადი მოქმედებები:



- რეგულარულად შეაფასეთ ამ SOP-ის ეფექტურობა.
- საჭიროებისამებრ იზრუნეთ გაუმჯობესებაზე.

